

PRIMLJENO: 04 NOV 2021			
Org. jed.	Broj	Prilog	Visodnost
01-GV	04-1394		21

**GRAD SARAJEVO - GRADSKA UPRAVA**  
**Elvir Hadžiahmetović, pomoćnik gradonačelnice**  
Hamdije Kreševljakovića 3  
71 000 Sarajevo  
Mob.: + 387 61 212 269  
E-mail: [elvir.hadziahmetovic@sarajevo.ba](mailto:elvir.hadziahmetovic@sarajevo.ba)  
Sarajevo, 04. 11. 2021. godine

**GRAD SARAJEVO - GRADSKO VIJEĆE**  
**KOMISIJA ZA LJUDSKA PRAVA I SLOBODE**  
Hamdije Kreševljakovića 3  
71 000 Sarajevo

**PREDMET: Ponovni zahtjev za učešće u radu Komisije za ljudska prava i slobode**

Aktom od 03.06.2021. godine od predsjedavajućeg Gradskog vijeća Grada Sarajevo tražio sam da budem pozvan prilikom razmatranja Obavijesti o nerealizaciji Preporuke P-83, broj: Ž-SA-04-192/21 od 12.05.2021. godine, koju nije realizirao gradonačelnik Grada Sarajeva, na nadležnim organima Grada Sarajeva, a radi eventualnih pojašnjenja i odgovora na pitanja (u prilogu zahtjev od 03.06.2021. godine).

Do dana pisanja ovoga akta nisam dobio poziv za učešće u radu nadležnog tijela za razmatranje Obavijesti o nepoštovanju Preporuke P-83 koja je donesena po mojoj žalbi radi u uskraćenog zakonskog prava korištenja godišnjeg odmora za 2020. godinu, kao i prava na regres, radi čega sam pretrpio i finansijsku štetu.

U Zapisniku o radu četvrte sjednice Komisije za ljudska prava i slobode, održane 16.07.2021. godine, pod tačkom 1., usvojen je zaključak:

*Komisija za ljudska prava i slobode Gradskog vijeća Grada Sarajeva će se na narednoj sjednici Komisije očitovati o Preporuci Ombudsmena nakon što gradonačelnica putem nadležne službe zadužene za kadrovska pitanja, do petka 23.07.2021. godine, dostavi dokumentaciju koja se odnosi na:*

- sva rješenja o korištenju godišnjih odmora za Elvira Hadžiahmetovića u 2019. i 2020. godini,
- dokaz o isplati regresa u 2019. i 2020. godini,
- ostale relevantne dokumente drugostepenih organa upravnih inspektorata a koji su postupali u predmetu koji je predmet preporuke Ombudsmena.

Shodno tome, molim da mi se pisanim putem dostavi odgovor:

- Da li je nadležna služba zadužena za kadrovska pitanja, do 23.07.2021. godine, dostavila dokumentaciju definiranu zaključkom 1. i to: rješenja o korištenju godišnjih odmora, dokaz o isplati regresa i drugu relevantnu dokumentaciju?

Nadalje, u Obavijesti o zatvaranju predmeta, broj Ž-SA-04-192/21 od 24.09.2021. godine, shodno kojem je donesena Preporuka P-83, a koji mi je dostavila Institucije ombudsmena za ljudska prava BiH, između ostalog, navedeno je:

*Dana 30.07.20221. godine u Instituciji ombudsmena za ljudska prava BiH zaprimljen je akt Komisije za ljudska prava i slobode Gradskog vijeća Grada Sarajeva broj: 04-GV-04-593-1.1/21 od 29.07.2021. godine, u kojem je između ostalog navedeno:*

*...Obavještavamo Vas da je Komisija za ljudska prava i slobode Gradskog vijeća Grada Sarajeva kao nadležno radno tijelo Gradskog vijeća, na sjednici održanoj dana 29.07.2021. godine, razmatrala Preporuku broj: Ž-SA-04-192/21 od 12.05.2021. godine i sugerisala gradonačelnici Grada Sarajeva da postupi po navedenoj Preporuci Ombudsmena/Ombudsmana.*

**Shodno tome, molim da mi se dostavi kopija akta Komisije kojim je gradonačelnici sugerisano da postupi po Preporuci.**

Preporuka P-83 četvrta je preporuka Institucije ombudsmena za ljudska prava koja nije ispoštovana od strane Grada Sarajeva i biće objavljena u Godišnjem izvještaju o rezultatima rada ombudsmena za ljudska prava BiH. To je porazna i zabrinjavajuća činjenica koja upućuje da Grad Sarajevo ne poštuje ljudska prava i osnovne slobode iako je na to obavezan Ustavom FBiH, Ustavom Kantona Sarajevo, zakonima i Statutom Grada Sarajeva.

Shodno svemu navedenom, predlažem da Komisija uputi prijedlog Gradskom vijeću:

- Predlaže se Gradskom vijeću Grada Sarajeva da usvoji zaključak kojim se gradonačelnica Grada Sarajeva obavezuje da utvrdi odgovornost državnih službenika radi nesavjesnog obavljanja poslova i propuštanja poduzimanja radnji kako bi preporuke Institucije ombudsmena za ljudska prava BiH bile izvršene.

Također, u vezi akta broj: 04-GV-02-1211-2/21 od 11.10.2021. godine, želim naglasiti da se nisam usmeno obraćao predsjedavajućem Komisije, te tražim da se izvrši ispravka Zaključka.

***Elvir Hadžiahmetović***

*Prilog:*

- *Akt do 03.06.2021. godine*

*Dostaviti:*

- *Naslovu*
- *Predsjedavajućem Gradskog vijeća Grada Sarajeva*
- *Zamjenica predsjedavajućeg Gradskog vijeća Mirela Džehverović*
- *Zamjenik predsjedavajućeg Gradskog vijeća Dragan Stevanović*

**GRAD SARAJEVO – GRADSKA UPRAVA**  
Elvir Hadžiahmetović, državni službenik  
E-mail: [elvir.hadziahmetovic@sarajevo.ba](mailto:elvir.hadziahmetovic@sarajevo.ba)  
Hamdije Kreševljakovića 3, 71 000 Sarajevo  
Sarajevo, 03.06.2021. godine

**Hitno!**

**GRADSKO VIJEĆE GRADA SARAJEVA**  
N/r predsjedavajući Jasmin Ademović

**PREDMET:** Preporuka Institucije ombudsmena za ljudska prava BiH P-83 - hitno postupanje, traži se

Poštovani,

Institucija ombudsmena za ljudska prava BiH dostavila je Gradskom vijeću Grada Sarajeva Obavijest o nerealizaciji Preporuke P-83, broj: Ž-SA-04-192/21 od 12.05.2021. godine, koju nije realizirao gradonačelnik Grada Sarajeva, na daljnje postupanje.

Navedenom Preporukom gradonačelnik je trebao poduzeti neophodne mjere na izvršenju Rješenja Ministarstva pravde i uprave Kantona Sarajevo - Upravnog inspektorata od 10.12.2020. godine kojim se ovlaštenom licu Krajišnik Subhi, rukovodiocu Stručne službe gradonačelnika Grada Sarajeva, nalaže da donese rješenje kojim će odlučiti o mom pravu kao državnog službenika na godišnji odmor za 2020. godinu, u skladu sa Zakonom.

Obzirom da državna službenica Subha Krajišnik kao ovlašteno lice nije postupila po Rješenju Upravnog inspektorata Ministarstva pravde Kantona Sarajevo, glavni upravni inspektor je cjelokupan spis predmeta dostavio Tužilaštvu Kantona Sarajevo na daljnje postupanje, kao i Uredu za borbu protiv korupcije i upravljanje kvalitetom Kantona Sarajevo.

Članom 14. Statuta Grada Sarajeva (Službene novine Kantona Sarajevo, broj 34/08 - prečišćeni tekst) propisano da će se nalazi i izvještaji Ombudsmena BiH razmatrati na nadležnim organima Grada Sarajeva po hitnom postupku, te će na osnovu toga biti preduzimate odgovarajuće mjere.

Shodno navedenome, tražim da me se pozove radi eventualnih pojašnjenja i odgovora na pitanja prilikom razmatranja navedene Obavijesti, odnosno Preporuke, na nadležnim organima Grada Sarajeva.

S poštovanjem,

Elvir Hadžiahmetović

Dostaviti:

- 03 JUN 2021
- Naslovu - Hova
  - Zamjenica predsjedavajućeg Mirela Džehverović
  - Zamjenik predsjedavajućeg Dragan Stevanović

Prilog: Obavijest o neispoštovanju Preporuke P-83, broj: Ž-SA-04-192/21 od 12.05.2021. godine